

UTANGULIZI.

Ndugu Viongozi kutoka Northern Tanzania Union Conference (NTUC), Wajumbe wote wa Session, watumishi wote SNC; nawasalimu katika jina la Bwana wetu Yesu Kristo.

Nitumie nafasi hii kwa namna ya pekee kuwakaribisha wajumbe wote toka Makanisa yote na Taasisi zote za Conference hii katika Mkutano Mkuu wa Nane (Session). Karibuni sana.

Kwa niaba ya timu yote ya South Nyanza Conference napenda kumshukuru Mwenyezi Mungu kwa uongozi na ulinzi wake kutuwezesha kuifanya kazi ya utume tangu tulipopokea kijiti cha uongozi Juni 2021 hadi hapo tulipofikia. Niwashukuru viongozi waliotutangulia kwa kazi kubwa waliyoifanya, Bwana awabariki. Pamoja na changamoto ya janga la Covid-19 Bwana amekuwa pamoja nasi ni jambo la kumshukuru Mungu.

Napenda kushukuru Uongozi wa Northern Tanzania Union Conference (NTUC) kwa ushauri wao wa busara na kushiriki kufanya kazi pamoja nasi ili kufanikisha utume wa Kanisa na shughuli zote za Conference.

Shukrani za dhati kwa maofisa wenzangu, Katibu wa Conference na Mhazini kwa ushirikiano wao katika kufanikisha mipango ya utume. Niwashukuru wakurugenzi wote wa Idara kwa kazi kubwa waliyoifanya katika kutekeleza majukumu yote muhimu ni pamoja na Wajumbe wa Kamati ya Utendaji ya Conference kuwa tayari kutumia muda wao katika vikao mbalimbali na mashauri juu ya utendaji kazi.

Niwashukuru Wakuu wa Taasisi zote, Wachungaji wote, wafanyakazi wa Conference Watumishi wa Taasisi zote, Wainjilisti, Wazee wa Kanisa na Washiriki wote wa Kanisa kwa mshikamano wenu na maombi yenu katika kutekeleza majukumu yote muhimu ya Kanisa na kaulimbiu isemayo “Nitakwenda (I Will Go)”. Ni matarajio yetu kuwa umoja na mshikamano huu utaendelea kuhakikisha kuwa Conference hii inashiriki kikamilifu katika utume wake.

Bwana awabariki.

MKUTANO MKUU WA NANE SNC (SESSION)
SEPTEMBER 22, 2022.

KAULIMBIU

Utume Kwanza (Mission Priority):

Katika miaka mitano ya awali, tumetembea na kaulimbiu ya Utume kwanza ni Wakati wa Mavuno na kushirikisha kila mshiriki kuwa mwaminifu kwa njozi katika kujitoa kikamilifu kwa utume na kumfanya Mungu kuwa wa kwanza na mengine baadaye.

Nitakwenda (I Will Go):

Mwaka 2021, tumekuwa na kaulimbiu isemaya Nitakwenda (I Will Go). Kaulimbiu hii ni ujumbe unaokwenda kwa kasi ambapo kila mmoja wetu anahusika kwenda na kuwafikia mataifa na kuwafanya kuwa wanafunzi wa Yesu. Pamoja na changamoto ya Corona, Bwana ameendelea kuwa pamoja nasi katika kutekeleza kaulimbiu NITAKWENDA (I WILL GO).

KUTEKELEZA AGIZO LA UTUME

South Nyanza Conference ilipangwa ili kuwaongoza watu wawe wanafunzi wa Yesu Kristo, kutangaza Injili ya milele kwa muktadha wa Ujumbe wa Malaika watatu wa Ufunuo 14:6-12, katika kuwaandaa watu kwa Marejeo yake kwa njia ya kuakisi tabia ya Kristo, kuhubiri, kufundisha, kuponya na kuhudumia.

- SNC katika kuitikia Agizo la Bwana Yesu la kwenda, tulianza kwa uzinduzi maalumu uliofanyika mwezi Dec. 2015 katika mtaa wa Mabatini, Mwanza na mtaa wa Ntuzu – Bariadi mkoani Simiyu.
- Tulianza kwa kujitoa wakfu na kuweka malengo ya Utume Kwanza: Ni Wakati wa Mavuno - “Ushirikishwaji wa Kila Mshiriki”.
- Tulijikumbusha eneo letu la kwenda ni SNC na duniani kote, kwamba tukiambia, tukiomba na kufanya sehemu yetu, tunaweza.

MIAKA MITANO YA UTUME TULIJKITA KATIKA MAENEO YAFUATAYO:

1. Ukuaji wa kiroho wa washiriki.
2. Uwezo wa kujitegemea: kugawa Conference.
3. Eneo la Kazi.
4. Rasilimali Watu.
5. Rasilimali Miongozo.
6. Rasilimali Fedha.
7. Ukuaji wa Kanisa.
8. Uinjilisti – Huduma Binafsi
9. Ujenzi wa Ofisi ya Makao Makuu ya Conference.
10. Mabadiliko ya taswira (Image Changes): Maendeleo ya majengo.
11. Idara zingine na Taasisi za Kanisa.

1. UKUAJI WA KIROHO.

Mungu kwanza, umekuwa ni msisitizo wetu kwamba kila mshiriki Mungu awe nafasi ya kwanza. Njia za kumfahamu Mungu zilizotumika kwa njia ya usomaji wa Biblia kwa mpango, kusoma vitabu vya Roho ya Unabii, kuomba na kufunga, usomaji wa mwongozo wa shule ya sabato, kesha la asubuhi na kitabu cha kila mwaka pamoja na majuma ya maombi ambayo yameendeshwa na idara mbambali katika Conference yetu. Kwa neema ya Mungu alituwezesha kufikia hatua ya kugawa South Nyanza Conference.

2. UWEZO WA KUJITEGEMEA: KUGAWA SOUTH NYANZA CONFERENCE.

Eneo la Utume kabla ya kugawa Conference lilikuwa na mikoa 4 Mkoa wa Mwanza kuondoa Wilaya ya Ukerewe, Geita kuondoa Wilaya ya Chato, Simiyu na Shinyanga lenye wakazi 6,920,730 kulingana na sensa ya mwaka 2012.



Picha 1: Ramani ya Jimbo la Nyanza Kusini (SNC) kabla ya kugawanywa.


Kazi ya Bwana iliendelea kukua kwa kasi, Februari 20, 2020 SNC iligawanywa rasmi na kutupatia Field inayoitwa Nyanza Gold Belt Field (NGBF) makao makuu yakiwa Kahama. Leo hii tuna SNC yenye mikoa miwili Simiyu na Mwanza ukiondoa Wilaya ya Ukerewe na Sengerema. Field Mpya NGBF ina mikoa miwili Shinyanga, Wilaya ya Sengerema - Mwanza na Mkoa wa Geita ukiondoa Wilaya ya Chato.



Picha 2: Siku ya tukio la kugawa rasimi SNC na kutupatia Field inayoitwa Nyanza Gold Belt Field iliyofanyika Kahama Feb 20, 2020.

3. ENEO LETU LA KAZI.

Eneo la Utume katika Conference ya South Nyanza linaundwa na mikoa miwili; Mkoa wa Simiyu na Mkoa wa Mwanza ukiondoa Wilaya ya Ukerewe na Sengerema. Eneo la utume lina takribani wakazi 4,011,519 kwa mujibu wa sensa ya mwaka 2012. Uwiano wa mshiriki mmoja kwa wakazi ni 1:24.



Picha 3: Ramani ya Jimbo la Nyanza Kusini (SNC) baada ya kugawanywa Februari 20, 2020.

4. RASILIMALI WATU.

- Tulianza safari tukiwa na watumishi 629 kufikia Dec. 2019 kabla ya kugawanywa Conference tulikuwa 822 ongezeko la watumishi 193 kwa miaka 4.
- Baada ya kugawanywa SNC Feb. 2020 tulibaki na watumishi wapatao 552, kufikia Jun. 2022 watumishi ni 742 ongezeko la watumishi 190 kufikia Jun. 2022.
- Hapa chini ni jedwali linaloonesha jumla ya idadi ya watumishi wa Conference na Taasisi zake tangu tulipoanza muhula mrefu 2016 hadi Jun. 2022 kabla na baada ya kugawanywa Conference: -

Watumishi	Kabla ya Kugawa SNC		Ongezeko Miaka 4	Baada ya Kugawa SNC		Ongezeko 2020 hadi Sep. 2022
	Jan. 2016	2019		Jan. 2020	Jun. 2022	
Idadi ya Wachungaji	73	123	38	70	94	24
Wahasibu	24	22	-2	18	24	6
Wakaguzi wa Ndani	3	4	1	2	3	1
Walimu	62	64	2	65	75	10
Makatibu muhtasi	10	14	4	11	13	2
Waganga	8	13	5	11	18	7
Wauguzi	19	33	14	25	36	11
APD	5	8	3	4	3	-1
Teknohama (IT)	1	2	1	4	6	2
Meneja Milki	1	1	-	1	1	-
Watumishi wengine	69	75	6	78	78	-
Wainjilisti wa Vitabu	353	463	110	263	391	128
Jumla ya Watumishi wote	629	822	181	552	742	190



Picha 4: Watenda kazi katika moja ya semina zilizoendeshwa katika kipindi cha 2016 - 2022.

5. RASILIMALI MIONGOZO.

Kuridhia mfumo na sera zinazofanikisha umoja wa Kanisa:

- Wachungaji walipata semina na malezi ya kichungaji na kuzingatia ratiba za kazi zao.
- Nyaraka na semina za Uongozi namna ya Kulinda umoja wa Kanisa kwa kuuongoza na kufanya shughuli zake kufuatisha mfumo, Sera, na Miongozo ya Kanisa.
- Watumishi walioajiriwa walipewa South Nyanza Conference workers' handbook.
- Makanisa walinunua miongozo ili kuboresha uongozi ufuatao mfumo wa Kanisa.
- Semina zilitolewa kwa watumishi wote kila mwanzo wa mwaka kwa utumishi bora walioitiwa.
- Semina za uongozi zilitolewa kwa viongozi wote wa makanisa zilizowaita kujitoa kikamilifu kulipenda Kanisa na kulithamini, kutetea Sera, Kanuni, taratibu na miongozo yote ya Kanisa hili.



Picha 5: Semina za uongozi kwa kanda ya Mwanza iliyofanyika katika kanisa la Mabatini.

6. RASILIMALI FEDHA: UWAKILI.

- Idara ya Uwakili kushiriki kikamilifu katika msukumo wa Mungu Kwanza kwa kuwakumbusha waumini utoaji kwa mpango ni pamoja na majuma ya maombi ya Uwakili yaliyoendeshwa na semina mbalimbali zilitolewa kwa moyo mmoja. Washiriki wamemtolea Bwana mali zao za fedha, mazao, mifugo iliyorudishwa ghalani inaonesha moyo wa kwenda unazidi kukua, ambapo wamejitoa kutumia talanta kwa kazi ya Bwana. Tunamshukuru Bwana kwa mwitikio huu wa kumfanya Mungu kuwa wa kwanza na mengine baadaye.



- Tunamshukuru Mungu kwa ajili ya matoleo yamekuwa yakiendelea kupanda kila mwaka pamoja na kugawa Conference na kubakia mikoa miwili ya Mwanza na Simiyu bado matoleo kwa ujumla hayakushuka, bali yameongezeka. Hii ni kuonesha kwamba huduma za kiroho zimeimarishwa. Mungu atukuzwe. Hebu fuatilia matoleo katika jedwali hapo chini linaloonesha matoleo ya kila mwaka tangu 2016 hadi June 2022 kabla na baada ya kugawanywa Conference.

Matoleo ya Zaka, Sadaka na Sadaka ya kambi tangu mwaka 2016 – June 2022 ni kama ifuatavyo:

Mwaka	Mikoa	Zaka	Sadaka	Makambi
2016	4	3,557,880,265.98	1,243,094,078.22	183,210,371.00
2017	4	3,896,501,401.42	1,324,502,195.76	196,493,191.40
2018	4	4,434,941,450.72	1,774,233,732.64	284,787,527.33
2019	4	4,948,271,621.95	1,947,041,676.23	198,968,672.00
2020	2	3,594,542,376.45	1,436,010,253.27	270,629,567.65
2021	2	3,779,091,077.33	1,534,894,040.74	321,308,598.01
June 2022	2	2,052,414,759.35	817,135,057.61	-
JUMLA		26,263,642,953.02	10,076,911,034.47	1,455,397,927.43

- Ofisi ya fedha kwa kushirikiana na Idara ya Uwakili katika msukumo wa Mungu Kwanza, mwaka 2020 tulipokea mfumo mpya wa matoleo ya sadaka Church Financial Management System (CFMS) na kutoa semina kwa washiriki. Januari 2022 tulianza kutumia mfumo huu rasmi ambapo washiriki waliojisajiri kwenye mfumo ni 15% ya washiriki SNC.

CHAMA CHA ATAPE SNC.

Wanachama wa ATAPE SNC ambao ni wanataaluma na wajasiriamali wamekuwa na mikutano na semina mbalimbali, wametoa huduma mbalimbali ndani na nje ya Conference kama vile kufanya kazi ya utume kwa kutoa mali zao, muda wao, wametoa huduma kwa jamii ndani na nje ya Conference, wamejenga makanisa sehemu mbalimbali za Conference. Baadhi ya huduma hizo ni katika sherehe za jubilee madaktari walipima na kutoa ushauri kwa watu 1785, viongozi wa ATAPE walitembelea mitaa yote ya Kanda ya Bariadi na Dutwa kutoa Semina pamoja na mahubiri yaliyofanyika Bariadi, wameshiriki katika ujenzi wa Hospitali ni pamoja na madakitari kutoa huduma kwa wagonjwa kule Heri Hospital - Kigoma.



Picha 6: Viongozi wa ATAPE walipoendesha semina ya kuamsha matumizi ya talanta katika Kanda ya Bariadi na Kanda ya Dutwa.

7. UKUAJI WA KANISA:

Ikiwa ni matokeo ya ushirikishwaji wa kila mshiriki katika kutekeleza agizo la utume ni pamoja na Malezi, Utunzaji Wa Washiriki na Kutumia Mfumo Wa ACMS. Kwa pamoja katika kunia mambo tumeweza kugawa Conference, kugawa mitaa mikubwa ikiwa ni matokeo ya ushirikishwaji.

- Tulianza muhula huu mwaka 2016 tukiwa na mitaa 64 kufikia Dec. 2019 kabla ya kugawa Conference mitaa 91 ongezeko la mitaa 27; makanisa yalikuwa 722 kufikia Dec. 2019 makanisa yalikuwa 862 ongezeko la makanisa 140; tulianza na washiriki 144,111, kufikia Dec. 2019 washiriki walikuwa 248,876 ongezeko la washiriki 104,765 kwa miaka 4.
- Feb, 2020 baada ya kugawanywa tulianza na mitaa 54 kufikia Juni 2022 robo ya pili tuna mitaa 78 ongezeko la mitaa 24; makanisa yalikuwa 473 kufikia Juni 2022 tuna makanisa 639 ongezeko la makanisa 166. Upande wa washiriki walikuwa 138,489 kufikia Juni 2022 washiriki 163,979 ongezeko la washiriki 25,490.
- Pamoja na changamoto ya ugonjwa wa CORONA kwa neema ya Bwana waumini wapya waliobatizwa ni 41,355 na washiriki waliorejeshwa na kubatizwa ni 1,158. Jumla ya watu waliobatizwa 2020 – Juni 2022 ni 42,513.
- Uwiano wa mshiriki mmoja kwa wakazi katika Conference yetu ni 1:24 kufikia June 2022. Uwiano huu unahitaji umoja wetu wa kila mshiriki kujitoa kikamilifu katika kutekeleza kaulimbiu NITAKWENDA na kuwafikia watu kwa kusudi la kuwafanya kuwa wanafunzi wa Yesu.
- Kufikia Juni 2022 tumefanikiwa kuingiza washiriki katika mfumo wa ACMS kwa asilimia 96 %.



1: 24

Kielelezo 1: Wastani wa mshiriki kwa wakazi katika SNC kufikia June 2022.



Kielelezo 2: Takwimu za washiriki katika mfumo wa utunzaji wa kumbukumbu za washiriki (ACMS).

8. UINJILISTI: USHIRIKISHWAJI WA KILA MSHIRIKI (TMI).

Mahubiri ya TMI yamefanyika sehemu mbalimbali za Conference. Katika zoezi zima la ushirikishwaji wa kila mshiriki, tumekuwa na mahubiri ya mlipuko yaliyoendesha na wahubiri wa kimataifa, viongozi wetu wa Unioni Conference, Mitaa, Kanisa mahalia na idara zote walifanya kazi kama timu ndani ya Conference. Ushirikishwaji wa kila mshiriki katika mahubiri ya TMI ambapo wachungaji, wake za wachungaji, Wainjilisti wa vitabu, walei, wanawake, vijana, watoto, ATAPE, ASSA, TUCASA na Mawasiliano kwa kutumia teknolojia ya leo; kwa pamoja Bwana alikuwa pamoja nasi katika huduma ya kuwaleta waumini wapya kwa yesu na kurejesha walioliacha Kanisa kurudi kundini.

Mahubiri 2 yaliyofanyika SNC na kurushwa ndani na nje ya nchi ni Mabatini na CCM Kirumba kama ifuatavyo:

1. Mahubiri ya Ushindi Hatimaye mwaka 2017 yaliyosimamiwa na chama cha ATAPE na kurushwa na vyombo vya habari kutokea viwanja vya Kanisa la Mabatini na kufikia sehemu mbalimbali za Tanzania na nje ya nchi na mahubiri Mch. David Mbaga ambapo watu 9,407 walibatizwa tokea SNC.



Picha 7: Baadhi ya watu waliobatizwa SNC katika Mahubiri ya Ushindi Hatimaye Mabatini-Mwanza.

2. Mwaka 2018 Bwana alileta mahubiri ya Ufunuo wa Matumaini, Tumaini la Leo na Mch. na Dkt. Mark Finley ambapo zaidi ya watu 19,000 walibatizwa. Yesu aliinuliwa na kujulikana ndani na nje ya Tanzania.



Picha 8: Mahubiri ya Ufunuo wa Matumaini, Mch. & Dr. Mark Finley CCM Kirumba-Mwanza 2018.

Mahubiri yaliyofanyika sehemu zingine za Tanzania ambayo Conference ilishiriki:

Tunamshukuru Mungu kwa Mahubiri yaliyorushwa kupitia vyombo vya habari na mitandao ya kijamii kutokea katika vituo vya mahubiri vifuatavyo: Mbeya - Tumekaribia Nyumbani, Kinyerezi – Nyumbani Hatimaye, Chato – Mungu Kwanza, Dodoma – Uzoefu wa Nguvu ya Mungu, Hedaru – Tumaini Litokalo Juu, Kizota – Shangwe katika Njia yake, Nyamongo – Amani itokayo Juu na Karatu – Ukweli Unaokuweka Huru.

Kupitia mahubiri yaliyofanyika sehemu zingine Tanzania SNC tulibatiza watu 90,701.

Kutokana na mahubiri yote yaliyofanyika 2016 – Agosti 2022 kwa njia ya Ushirikishwaji wa Kila Mshiriki TMI na kaulimbiu Nitakwenda watu 119,108 walibatizwa SNC. Jina la Bwana litukuzwe.


Uinjilisti Kwa Njia ya Mahusiano.

- Mahusiano katika uhalisia wake Malaika Beach Hotel ambapo Mch. Mark Finley akiwa na Viongozi mashuhuri na Wajasiriamali alishiriki nao Neno la Mungu ni pamoja na futali ya jioni na wenzetu Waislam kipindi cha mahubiri ya Ufunuo wa Matumaini.



Picha 9: Mch. Mark Finley, Viongozi na Wajasiriamali.

- Viongozi na Wachungaji katika Conference yetu walitembelea Viongozi wa Serikali katika mikoa minne Kufahamiana na viongozi hao na kuwajulisha Kanisa na Utume wake, wakiomba nao na kuwapatia Vitabu 70 vya Afya na uzima pamoja na Tumaini Kuu.
- Huduma ya AMR: Wenzetu Waislam walitutembelea katika Kanisa la Pasiansi, Kanisa la Kirumba, Nyegezi, Nyakato na kushiriki pamoja katika futali ya jioni. Bwana awabariki kwa huduma hii.



Picha 10: Ndugu zetu Waislam walipotutembelea katika Kanisa la Kirumba.

Sherehe za Jubilee:

Katika Conference yetu Kanisa la Kirumba tulifanya sherehe ya miaka hamsini Jubilee ya kuanzishwa kwa Kanisa la Waadventista wa Sabato katika Jiji la Mwanza iliyofanyika mwaka 2016.

Matukio Yaliyogusa Mioyo Yetu:

Tumekuwa na matukio mengi yaliyogusa mioyo yetu na hisia zetu. Tutaje machache:

- Mkuu wa mkoa wa Mwanza, Mhe. Eng. Robert Gabriel alishiriki katika kufanikisha ujenzi wa nyumba ya Mchungaji Mtaa wa Shamaliwa na Kanisa la Kirumba.
- Mhe. Antony Mtaka, aliyekuwa Mkuu wa Mkoa wa Simiyu alishiriki TMI kwa kugharamia zaidi ya nusu ya gharama wakati wa mahubiri ya TMI Ngulyati. Zaidi ya watu 136 walibatizwa. Pia alisaidia sana kufanikisha kambi la pekee la Bariadi-Simiyu. Gharama zote za kusafirisha wahudumu zaidi ya wanne toka ndani na nje ya Tanzania na Kwaya tatu alilipia yeye mwenyewe.
- Mkuu wa Wilaya ya Shinyanga Mhe. Josephine Matiro, alishiriki TMI na kuabudu nasi Sabato ya tarehe 24/06/2017

kisha kuomba kila Robo lesson ikitoka asipitwe. Baada ya ibada aliungana na Mwenyekiti wa Union kukabidhiwa Jengo la kutunza wagonjwa wa ukoma Nkolandoto lililokarabatiwa na mitaa 3 ya Shinyanga, Lubaga na Ushirika kwa kushirikiana na Vijana wa Mitaa hiyo. Siku hiyo wakoma walipewa vitu mbalimbali na kitoweo aina ya mbuzi, n.k.

- Mshiriki toka mtaa wa Buswelu SNC alitoa mabati 527.
- Mshiriki wa Buswelu alitoa mabati 477 kusaidia makanisa ya vijijini – Masumbwe na Dutwa.
- Mshiriki alitoa Tsh. 3.6 Milion kusaidia kuezeka makanisa ya Vijijini na kununua viti vya ibada katika chumba cha maombi Makao Makuu SNC.
- Baadhi ya washiriki wametoa viwanja vya kujenga makanisa.



Picha 11: Mkuu wa mkoa wa Mwanza, Mhe. Eng. Robert Gabriel na Mwenyekiti wa SNC Pr. Beatus Mlozi katika ufanikishaji wa ujenzi wa nyumba ya Mchungaji Mtaa wa Shamaliwa.



Picha 12: Sherehe fupi Mwenyekiti wa Union akimkabidhi Mhe. Mkuu wa Wilaya ya Shinyanga Jengo la wagonjwa wa ukoma lililokarabatiwa huko Nkolandodo 2017.

KITENGO CHA GLOBAL MISSION.

Kitengo cha Global Mission wameweza kuendesha semina kwa Walei (Pioneers), ili kuwa tayari kutumwa katika maeneo mapya na kufungua kazi. Semina ilishirikisha walei wote katika Conference, Kanda na mitaa. Makanisa yamejengwa katika maeneo mapya, Vyombo vya usafiri vimetolewa kurahisisha huduma, mitaa mipya imeanzishwa ni pamoja na kukamilisha miradi 4 iliyofadhiliwa na ECD.



Picha 13: Baadhi ya vyombo vya usafiri vilivyotolewa na makanisa yaliyojengwa chini ya mpango wa Global Mission.



Picha 14: Biblia zikigawanywa kwa watu kupitia mradi wa Global Mission.

9. UJENZI WA OFISI YA CONFERENCE.

Tarehe 22/05/2022 tulikuwa na sherehe kubwa ya uzinduzi wa kiwanja cha ujenzi wa ofisi mpya ya makao Makuu ya South Nyanza Conference Katika eneo la Mwananchi, Wilaya ya Nyamagana. Mgeni Rasmi katika sherehe hizi alikuwa Mwenyekiti wa Northern Tanzania Union Conference (NTUC), Mch. Dr. Godwin Lekundayo, sherehe hizi ziliandamana na utoaji wa Sadaka ya hiari kwa ajili ya kuanza ujenzi wa ofisi. Tunamshukuru Mungu kwa mwanzo huu na ujenzi umeshaanza.



10. MABADILIKO YA TASWIRA (IMAGE CHANGES).

Tunamshukuru Bwana Wachungaji na washiriki SNC wameelewa umuhimu wa kushughulikia mambo matatu muhimu na ya msingi (Basic needs) kwa maendeleo ya Kanisa kiroho na kimaisha ambayo ni kujenga Kanisa zuri, eneo zuri la makambi na nyumba ya Mchungaji kwa kila mtaa.

MAENDELEO YA MAJENGO.

Ujenzi wa Mkanisa: Uinjilisti Na Kupanda Mkanisa Maeneo Mapya.

Tunamshukuru Bwana wazo la kupanda mkanisa kila mahali limepokelewa kwa moyo mmoja na kufanyiwa kazi na mitaa, mkanisa vijijini na mijini. Mitaa, Idara mbalimbali kabla ya kuhubiri walinunua viwanja na wengine mahubiri yalienda sambamba na ujenzi wa Kanisa. Njia hii imethibitisha kuwa na malezi mazuri kwa washiriki wapya (Nurturing and Retention).

- Baadhi ya Mkanisa na mitaa walinunua viwanja na kujenga mkanisa kwa muda mfupi. Hii ni mifano michache: Mtaa wa Nyegezi, Mtaa wa Nyakato, mtaa wa Mkula, Mtaa wa Ntuzu, Ngulyati, Ndagalu, n.k.

Kubadili Taswira ya Mkanisa.

- Mitaa iliyo na uwezo kusaidia mitaa isiyo na uwezo kuezeka mkanisa, mfano Nyegezi kusaidia kuezeka kanisa la Ngambo ya Mto Mtaa wa Makao.
- Majengo ya kanisa yaliyokaa muda mrefu kwa kusaidiana na Conference kubadili taswira ya Kanisa mfano: Mlima Nuru Mtaa wa Kiseke, Ilemela Mtaa wa Pasiansi, n.k.

Ujenzi wa Nyumba za Wachungaji.

Tunashukuru wazo la kujenga nyumba za wachungaji limepokelewa vizuri na Wachungaji na washiriki SNC, 40% ya mitaa wamejenga nyumba za wachungaji, 15% wako katika hatua ya kumalizia, 39% wameanza kujenga na 6% bado wanashughulikia viwanja. Wazo hili limetusaidia kuokoa pesa nyingi zilizokuwa zikitumika katika kupanga nyumba za watumishi.

- Ofisi imetoa fedha za kupaua nyumba za wachungaji pamoja na marekebisho kwa ajili ya nyumba za wachungaji katika mitaa 30.

11. IDARA ZINGINE NA TAASISI ZA KANISA.

A. HUDUMA ZA KICHUNGAJI.

Chama cha Wachungaji.

- Tunamshukuru; Bwana ameendelea kuongeza jeshi lake. Mwaka 2016 tulianza safari na wachungaji 73 kufikia Dec. 2019 walikuwa 123 ongezeko la wachungaji 50. Baada ya kugawa conference tulibaki na wachungaji 70 kufikia June 2022 wako 94, ongezeko la wachungaji 24.
- Wachungaji waliowekewa mikono muhula huu ni 30.
- Uwiano wa Mchungaji katika kuhudumia makanisa 1:9 na uwiano wa Mchugaji katika kuhudumia washiriki ni 1:2186.
- Wachungaji waliowekewa mikono ambao wako kazini ni 39.
- Wachungaji waliolala mauti 2016 - 2022 wakiwa kazini ni 2 na wastaafu ni 10.



Picha 15: Tukio la kuwekewa mikono wachungaji katika kanisa la Nyegezi Mei 21, 2022.

Chama cha Wake za Wachungaji.

Wamepata mafunzo na semina mbalimbali kuelimisha wake za wachungaji juu ya wajibu wao kwa Mungu, kwa familia na kwa kazi ya Bwana kama wasaidizi wa wachungaji.

Wake za wachungaji siyo wasaidizi wa waume zao tu bali nao wako mstari wa mbele katika kwenda kuwafanya watu kuwa wanafunzi wa Yesu. Wamefanya mahubiri na kujenga Kanisa lililowekwa jiwe la Msingi na Mch., Dkt. Godwin Lekundayo.



Picha 16: Mch. G. Lekundayo, Mwenyekiti wa Union akiwa katika kanisa la Butundwe ambalo pia aliliwekea Jiwe la Msingi.

B. IDARA YA UCHAPISHAJI.

- Idara ya Uchapishaji SNC tangu mwaka 2020 hadi 2022 tuna kanda saba ambazo zinasimamiwa na APDs. Wainjilisti wa vitabu walifanya mahubiri na kugawa vitabu, nguo, sabuni, n.k, watu 3,608 walibatizwa.

- Idara ya Uchapaji Kanda ya Bariadi wamefanikiwa kujenga ofisi kubwa ya kisasa.



Picha 17: Picha ofisi ya uchapishaji Kanda ya Bariadi.

C. IDARA SHULE YA SABATO.

Idara ya Shule ya Sabato 2020 – 2022 wamefanya semina mbalimbali katika Conference yetu. Semina zilitolewa kwa viongozi na walimu wa Shule ya Sabato. Tunamshukuru Mungu kwa ofisi ya Ufunuo Publishing House kwa Miongozo ya Shule ya Sabato ambayo imekuwa ikitufikia kwa wakati.



Picha 18: Semina za Shule ya Sabato.

D. HUDUMA ZA VIJANA, MUZIKI NA CHAPLENSIA.

Huduma za Vijana.

Sherehe za Pathfinder Day.

General Conference Pathfinder Day iliyofanyika CCM Kirumba, Mwanza, SNC, NTUC Tanzania 21 Septemba 2019 ilimalizika kwa ushindi mkubwa. Kupitia tukio hilo SNC vijana wa pathfinder 132 walibatizwa.



Picha 19: Sherehe za Pathfinder Day ya 69 iliyoadhimishwa Kiulimwengu Mwanza-SNC, Mgeni rasmi akiwa Andres Peralta.

Huduma za Vijana kwa jamii.

Vijana wa Kiadiventista wamehusika katika kutoa huduma mbalimbali kwa jamii, kwa kutoa damu, kugawa vitabu, kujenga nyumba na vyoo kwa wahitaji, ukarabati wa nyumba, kutoa huduma katika magereza, kutembelea wagonjwa hospitali na majumbani, kufanya usafi katika maeneo ya shule, hospitali, miji, pia wametoa vyakula, nguo, na mahitaji mbalimbali kwa jamii.

Huduma za Muziki:

Semina za muziki zimetolewa na makongamano ya Muziki yamefanyika ili kuwaelekeza waimbaji kurejea katika muziki wa Kiadventista katika Mitaa, Kanda na Conference yetu kwa ujumla. Tumekuwa na makongomano ya uimbaji yaliyofanyika katika makanisa (Kwaya Day), mitaa, kanda na makongamano yaliyoandaliwa na Conference. Kutokana na semina zilizotolea tunashukuru makanisa na kwaya zilizokubali wito wa kufanya matengenezo ya uimbaji na kurejea kuimba muziki wa Kiadventista, Bwana awabariki.



Picha 20: Wakufunzi katika Kongamano la Muziki la Conference lililofanyika katika viwanja vya Kanisa la Shamaliwa Feb. 2022.



Picha 21: Waumini waliohudhuria semina za muziki Shamaliwa.

Huduma za Chaplensia Public Campus Ministry (PCM).

TUCASA na ASSA wamekuwa na mikutano mbalimbali na semina kwa nia ya kutiana moyo katika maisha ya kiroho wa wapo shuleni na katika vyuo. Wamefanya uinjilist kupitia mahubiri, kutoa huduma kwa jamii ambapo wamejenga makanisa, wamewajengea nyumba wahitaji, wamefanya mahubiri, wamegawa vitabu, wametembelea magereza na kutoa vyakula na mahitaji mengine kwa jamii.

E. HUDUMA YA MAWASILIANO.

Tumehudhuria mikutano ya Idara ya Mawasiliano GAIN na kuendesha Semina za mawasiliano zilizotolewa kwenye kanda zote za Conference kwa kushirikiana na Ofisi ya Union - NTUC kuhusu utambulisho wa Kanisa letu (Church Identity), utendaji wa kazi katika Idara na mafunzo ya ACMS (Adventist Church Management System) namna ya kuingiza washiriki katika mfumo wa ACMS ambapo tumefanikiwa kwa 96%.

Kwa ushirikiano wetu na TAMC, tumefanikiwa kufungua kituo cha kituo cha Habari (Media Centre) kwa ajili ya kutayarishia vipindi SNC Hope Media ambacho kilizinduliwa Julai 18, 2020.



Picha 22: Baadhi ya washiriki wa mkutano wa GAIN 2022 uliofanyika jijini Mwanza.



Picha 23: Mch. Switta Elias Stevns akizindua Rasmi Hope Media SNC tarehe Julai 18, 2020.

F. HUDUMA ZA WANAWAKE (AWM).

Idara ya Wanawake ina kanda 10. Wanawake wamefanya mahubiri maeneo mapya kama vile Mbika Wilaya ya Ushetu mkoani Shinyanga na Mbugani mtaa wa Nkololo na kununua viwanja na kujenga makanisa katika maeneo hayo.

Chuo Cha AWM VTC.

Tunafurahi kuwajulisha kuwa Chuo Chetu cha Adventist Women Vocational Training Center (AWMVTC) kilichodumu kwa muda mrefu bila usajili sasa kimesajiliwa rasmi na Serikali (kinatambulika Kiserikali). Tunamtukuza sana Bwana.



Picha 24: Wanafunzi wa fani ya upishi katika chuo cha AWM VTC.

G. IDARA YA WATOTO.

Idara ya watoto imetilia maanani mafundisho na malezi ya watoto. Idara ya watoto wamefanikiwa kutoa mafunzo kwa viongozi wa idara na walimu wa watoto makanisani ikiwa ni pamoja na kutengeneza zana za kufundishia watoto makanisani. Watoto wameendesha mahubiri ya hadhara na sehemu mbalimbali za Conference, pamoja na program za watoto wakati wa sikukuu za vibanda.



Picha 25: Huduma za watoto katika kanisa la Nyegezi.

H. HUDUMA YA AFYA NA KIASI.

Ujenzi wa Hospitali

Kazi kubwa SNC 2016 – 2020 ilikuwa ni ujenzi wa Hospitali, gorofa ya chini na ya kwanza zimekamilika na zinatumika, gorofa ya pili imekamilika kwa sehemu na gorofa ya tatu hadi ya tano finishing bado.

Hata hivyo tunafurahi kuwajulisha kwamba March 30, .2020 saa 5:30 asubuhi Kituo chetu cha Afya (Pasiansi Health Center) kilipandishwa hadhi kutoka kituo cha Afya Pasiansi na kuwa SDA Pasiansi Hospital. Haikuwa rahisi, tunamshukuru Mungu kufikia hatua hii.

Huduma mbalimbali za afya zinaendelea kutolewa katika Hospitali yetu ya SDA Pasiansi Hospital, inatoa huduma za upasuaji maalum, macho, meno, mionzi na uangalizi maalumu kwa watoto wanaozaliwa na changamoto na kupewa uangalizi wa karibu.



Picha 26: Jengo la Hospitali ilivyokuwa 2016 na ilivyo 2022.

I. HUDUMA YA ELIMU

Shule zetu zimeendelea kufanya vizuri kitaaluma. Kulingana na matamano yetu, wanafunzi waliopata Daraja la Kwanza na la pili, wameongezeka na kuvunja rekodi katika muhula huu katika shule zote Bupandagila Sekondari, Nyanza Adventist Sekondari, Ngulyati Sekondari na Bupandagila Adventist Primary School.

Taswira ya shule zetu:

Tunamshukuru Mungu kwa shule zetu zote tatu zimefanya vizuri katika swala la miundombinu na majengo.

- **Shule ya Bupandagila Sekondari:** Baadhi maboresho ya huduma shuleni kama vile matumizi ya gas.
- **Shule ya Nyanza Adventist Sekondari:** Baadhi ya maboresho yaliyofanyika shuleni kama vile ujenzi wa Kanisa, Geti, uzio wa shule, matumizi ya gas, n.k.
- **Shule ya Ngulyati Sekondari:** Haya ni baadhi ya maboresho yaliyofanyika shuleni kama vile kujenga Bweni la wavulana lenye uwezo wa kulaza watoto 250, ujenzi wa bwalo, jiko, visima vya maji, n.k.
- **Shule ya Bupandagila Adventist Primary School:** Tumefanikiwa kujenga shule ya Msingi Bupandagila. Ni shule pekee ya Msingi ya Kanisa SNC ambayo inafanya vizuri na idadi ya wanafunzi inaongezeka kila mwaka.

MIPANGO MBELE YETU.

1. Kutekeleza Agizo la utume: "I Will Go - Make Disciples"
Nitakwenda - Kuwafanya Kuwa Wanafunzi kwa nguvu zote.
2. Malezi na utunzaji wa washiriki.
3. Kuhakikisha kila mshiriki anatumia mfumo mpya wa matoleo - Church Financial Management System (CFMS).
4. Kujenga Ofisi ya Conference.
5. Kufundisha uongozi wa Kikristo.
6. Kuhakikisha kila mtaa unajishughulisha na mabadiliko ya taswira (Image changes).



Picha 27: Muonekano wa juu wa jengo jipya la ofisi za jimbo ambalo ujenzi wake tayari umeanza.